

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historiae ecclesiasticae saeculi ... XVI supplementum

Fecht, Johann

Francofurti et Spirae, 1684

VD17 VD17 3:315948Z

XCVII.

[urn:nbn:de:bsz:31-122751](https://nbn-resolving.org/urn:nbn:de:bsz:31-122751)

officia probare. Saluteur ex me cum omnibus reliquis. Cur Pastori scripserim, conjicies facilè; lubenter omnia sanarem, si possem. Bene vale, Dulcissime Domine Comptater. Dabantur celeri calamo, Ratisponæ, 28. Julii veteris Anno 1589.

R. D. T.

Studiofissimus

Jeremias Hombergerus, D.



XCVII.

S. D. Reverende & clarissime vir, amice carissime.

GRATIAM tibi amanter habeo, quodd de rebus in vicina vobis Gallia & Helvetia recens gestis, me docuisti. Reddo vicissim ea, quæ in vicino orbe Atæto, superioribus mensibus, *ἀξίονα* evenerunt. Joannes III. Sueciæ Rex, cum conjugè Gwilla, filio Joanne infante; cum consiliariis ac ministris aulicis ac exercitu adversus Moschos ducendo, die 5. Augusti, Révaliæ appulit. Ex navi egressus, per pontem prælongum, pedes, cum Regina & gynecæo, per civitatis plateas præcipuas, sine tubis ac tympanis, arcem modestè petivit. Ad eum mense exeunte, filius Sigismundus Rex Poloniæ accessit, ut de communibus negociis regnorum & bello adversus Moschum conjunctis auxiliis gerendo deliberarent. Sed dum Reges Revaliæ colloquantur, Tattari & Turcæ, ex diversis partibus, impressionem in Poloniam terribilem fecerunt, de qua Zamoscii Cancellarii & summi exercituum Capitanei litteræ circumferuntur. Nunc Beglerbegum Turcicum, deditis ad pœnam Cosaccis, non ultra Tyram progredi, sed pacem cum Polonis Hæreditariam renovare velle, accepimus. Qua de re, Turcici, & Cancellarii Zamoisicii legati, ad Reg. in Livoniam missi sunt. Sigismundus 30. Septembr. à patre digressus in Poloniam rediit, pater in Sueciam Calend. Octobr. Rigæ Commissarii Regis Poloniæ, Severinus Bonarus & Leo Sapiecha, Lithuanicæ Cancellarius, de Tribuno plebis & Advocato civium, capitis supplicium sumserunt, duos Coss. exules pristino loco & fortunis restituerunt. Castellum ad ostium Dunæ solo æquarunt. De templo Jesuitis restituendo & Calendarii Gregoriani receptione, deprecantibus Senatu & ministris, res dilata, & ad comitia regni rejecta est. In Dania, Jacobi VI. Scotiæ regis, cum Christiani IV. Daniæ Regis sorore, ANNA, nuptiæ, Croneburgi, die 20. Augusti, celebratæ sunt, vires Scottorum Regis Sponsi tenente Georgio Reith, regni illius archimarschal-

U u u

co,

co, cui usitato regum absentes ducentium more, sponsa in thalamo adlocata est. Calendis Septembris, addito aliquot Senatorum regni & nobilium aliorum, & 12. Navium armatarum comitatu, navigationem in Scotiam instituit. Sed non ultra sinum Asloënsē progressa aliquot hebdomadas in arce Aggershusana desedit. Unde Petrus Munck Amyralis, relicta parte classis, Hassniam 13. Octobris rediit, ut cum Regina matre & Gubernatoribus regni deliberet, an instante hyeme progredi, vel Hassniam reverti debeant. Angliæ Regina, scripto edito, causas exposuit, cur classarii illius, Civitatum Hanseaticarum naves, frumentum & munitiones bellicas in Hispaniam vehentes, justè interceperint, quarum permultas, in ostio Tagi, Lyfibonam tendentes, in potestatem suam Angli redegerunt. Academiam vestram frequentia Illustrum auditorum florere, ex animo lætor. Nostræ Ecclesiæ & Scholæ idem status mediocriter tranquillus manet. CL. Viro Georgio Obbrechto, pagellas Chronici priores, quas desiderari à vobis ostendis, mitto. Te oro, ut Orationes de tribus Cæsaribus, Carolo V. Ferdinando, & Maximiliano, isthic à Carolo Kiefer excusas, pro Mylrofa seu Ducato Portugallensī inserto, emas, & in nondinis proximis, Francofordiam, ad Conradum Lauterbachium cures. Unum exemplum literis præsentibus adjungere potes. Mea tibi studia & officia vicissim defero. Benè & feliciter vale. Die Crispini, 25. Octobris, 1589.

David Chytræus.



EPISTO-